

大慧普覺禪師書卷第三十

武十

宋徑山能仁禪院住持嗣法慧日禪師臣蘊聞上進

答榮侍郎

武十  
寶

承留心欲究竟此一段大事因緣既辦此心  
第一不要急急則轉遲矣又不得緩緩則怠  
僵矣如調琴之法緊緩要得中方成曲調但  
向日用應緣處時時觀捕我這箇能與人決  
斷是非曲直底承誰恩力畢竟從甚麼處流  
出觀捕來觀捕去平昔生處路頭自熟生處  
旣熟則熟處却生矣那箇是熟處五陰六入

十二處十八界二十五有無明業識思量計  
較心識晝夜熠熠如野馬無暫停息底是這  
一絡索使得人流浪生死使得人做不好事  
這一絡索旣生則菩提涅槃真如佛性便現  
前矣嘗現前時亦無現前之量故古德契證  
了便解道應眼睛若干日萬象不能逃影質  
應耳時若幽谷大小音聲無不足如此等事  
不假他求不借他力自然向應緣處活潑地  
未得如此且將這思量世間塵勞底心回  
在思量不及處試思量看那箇是思量不及

處僧問趙州狗子還有佛性也無州云無只  
這一字儘你有甚麼伎倆請安排看請計較  
看思量計較安排無處可以頓放只覺得肚  
裏悶心頭煩惱時正是好底時節第八識相  
次不行矣覺得如此時莫要放却只就這無  
字上提撕提撕來提撕去生處自然熟處自  
生矣近年以來叢林中有一種唱邪說爲宗  
師者謂學者曰但只管守靜不知守者是何  
物諭者是何人却言靜底是基本却不信有  
悟底謂悟底是枝葉更引僧問仰山曰今時

人還假悟也無仰山曰悟則不無爭奈落在  
第二頭癡人面前不得說夢便作實法會謂  
悟是落第二頭殊不知鴻山自有警覺學者  
之言直是痛切曰研窮至理以悟爲則此語  
又向甚處著不可漏山疑悞後人要教落在  
第二頭也曹閻使亦留心此事恐其被邪師  
武子  
輩所誤比亦如此書忉忉怛怛寫與此公聰  
明識見有大過人處決不到錯認方便語作  
實法會但某未得與之目擊私憂遇計耳聞  
老居士亦與之是道友因筆不覺葛藤無事

三

相見時試問渠取書一看方知妙喜相期不在眼底彼此氣義相投又非勢利之交寫了一紙盡又添一紙不暇更事形迹此書亦如是前書託是箇中人故曰切不可道老老大大著甚來由若如此則好事在面前定放遇矣寫時雖似率易然亦機感相投亦不覺書在紙上荷公信得妙喜及便把做事日用應緣處便恢張此箇法門以報聖主求賢安天下之意真不負其所知也願種種堪忍始終只如今日做將去佛法世法打作一片且

耕且戰久久純熟一舉而兩得之豈非腰纏十萬貫騎鶴上揚州乎

又

示諭鐘鳴漏盡之譏爲君上盡誠而下安百姓自有聞茲賞音者願公凡事堅忍當逆順境政好著力所謂將此深心奉塵刹是則名爲報佛恩平昔學道只要於逆順界中受用逆順現前而生苦惱大似平昔不曾向箇中用心祖師曰境緣無好醜好醜起於心心若不彊名妄情從何起妄情既不起真心任徧

知請於逆順境中常作是觀則久久自不生  
苦惱苦惱既不生則可以驅魔王作護法善  
神矣前此老老大大著甚來由之說言猶在

目前些小逆順境界耶與公以此道相契故  
不留情盡淨吐露  
答黃門司節夫

耳豈忘之耶欲識佛性義當觀時節因緣以  
居士前十餘載閑自有閑時時節今日仕權  
在手便有忙底時節當念閑時是誰閑忙時  
是誰忙須信忙時却有閑時道理閑時却有  
忙時道理正在忙中當體主上起公之意頃  
刻不可暫忘自警自察何以報之若常作是  
念則鑊湯鑪炭刀山劍樹上亦須著向前況

收書并許多爲藤不意便解如此拈弄直是  
弄得來活鱗鱗地真是自證自得者可喜可  
喜但只如此從教人道這官人不依本分亂  
說亂道他家自有通人愛除是曾證曾悟者  
方知若是聽響之流一任他鑊龜打瓦更批  
判得如來禪祖師禪好儘喫得妙喜拄杖也  
且道是賞伊罰伊一任諸方更疑二十年

答孫知縣

蒙以所修金剛經相示幸得隨喜一徧近世士大夫肯如左右留心內典者實爲希有不得意趣則不能如是信得及不具看經眼則不能窺測經中深妙之義眞火中蓮也詳味

武十

四

久之不能無疑耳左右詆諸聖師翻譯失真而汨亂本真文句增減違背佛意又云自始持誦即悟其非欲求定本是正舛差而習僞已久雷同一律既得京師藏本始有據依復考繹天親無著論頌其義脗合遂泮然無疑

又以長水孤山二師皆依句而違義不識左右敢如是批判則定嘗見六朝所譯梵本盡得諸師翻譯錯謬方始泮然無疑旣無梵本便以臆見刊削聖意則且未論招因帶果毀謗聖教墮無間獄恐有識者見之却如左右檢點諸師之過還著於本人矣古人有言交淺而言深招尤之道也某與左右素昧平生左右以此經求印證欲流布萬世於衆生界中種佛種子此是第一等好事而又以某爲箇中人以箇中消息相期於形器之外故不

敢不上稟昔清涼國師造華嚴疏欲正譯師訛舛而不得梵本但書之于經尾而已如佛不思議法品中所謂一切佛有無邊際身色相清淨普入諸趣而無染著清涼但云佛不思議法品上卷第三葉第十行一切諸佛舊脫諸字其餘經本脫落皆註之于經尾清涼亦聖師也非不能添入及減削止敢書之于經尾者識法者懼也又經中有大瑠璃寶清涼曰恐是吠瑠璃舊本錯寫亦不敢改亦只如此註之經尾耳六朝翻譯諸師皆非淺識武十五

之士翻譯場有譯語者有譯義者有潤文者有譯梵語者有正義者有唐梵相校者而左右尚以爲錯譯聖意左右既不得梵本便妄加刊削却要後人諦信不亦難乎如論長水依句而違義無梵本證如何便決定以其爲非此公雖是講人與他講人不同嘗參鄉鄉廣照禪師因請益鄉鄉首楞嚴中富樓那問佛清淨本然云何忽生山河大地之義鄉鄉遂抗聲云清淨本然云何忽生山河大地長水於言下大悟後方披襟自稱座主蓋座主

多是尋行數墨左右所謂依句而不依義長水非無見識亦非尋行數墨者不以具足相故得阿耨菩提經文大段分明此文至淺至近自是左右求奇太過要立異解求人從已耳左右引無著論云以法身應見如來非以相具足故若爾如來雖不應以相具足見應相具足爲因得阿耨菩提爲離此著故經言須菩提於意云何如來可以相成就得阿耨菩提須菩提莫作是念等者此義明相具足體非菩提亦不以相具足爲因也以相是色

自性故此論大段分明白是左右錯見錯解爾色是相緣起相<sup>五十一</sup>法界緣起梁昭明太子謂莫作是念如來不以具足相故得阿耨菩提三十二分中以此分爲無斷無滅分恐須菩提不以具足相則緣起滅矣蓋須菩提初

在母胎即知空寂多不住緣起相後引功德施菩薩論末後若相成就是真實有此相滅時即名爲斷何以故以生故有斷又怕人不會又云何以故一切法是無生性所以遠離斷常二邊遠離二邊是法界相不說性而言

相謂法界是性之緣起故也相是法界緣起  
故不說性而言相梁昭明所謂無斷無滅是  
也此段更分明又是左右求奇太過彊生節  
目爾若金剛經可以刊削則一大藏教凡有  
看者各隨臆解都可刊削也知韓退之指論  
語中畫字爲畫字謂舊本差錯以退之之見  
識便可改了而只如此論在書中何也亦是  
識法者懼爾圭峯密禪師造圓覺疏鈔密於  
圓覺有證悟處方敢下筆以圓覺經中一切  
衆生皆證圓覺圭峯改證爲真謂譯者之訛

而不見先本亦只如此論在疏中不敢便改  
正經也後來泐潭真淨和尚撰皆證論論內  
痛焉圭峯謂之破凡夫臊臭漢若一切衆生  
皆具圓覺而不證者畜生永作畜生餓鬼永  
作餓鬼盡十方世界都盧是箇無孔鐵鎚更  
無一人發真歸元凡夫亦不須求解脫何以  
四十  
故一切衆生皆已具圓覺亦不須求證故左  
七  
右以京師藏經本爲是遂以京本爲據若京  
師藏本從外州府納入如徑山兩藏經皆是  
朝廷全盛時賜到亦是外州府經生所寫萬

一有錯又却如何改正左右若無人我定以妙喜之言爲至誠不必泥在古今一大錯上若執已見爲是決欲改削要一切人唾罵一任刊版印行妙喜也只得隨喜讚歎而已公既得得遣人以經來求印可雖不相識以法爲親故不覺忉忉怛怛相觸忤見公至誠所以更不留情左右決欲窮教乘造奧義當尋

一名行講師一心一意與之參詳教徹頭徹尾一等是留心教網也若以無常迅速生死事大已事未明當一心一意尋一本今作家

能破人生死窠窟者與伊著死工夫廝崖忽然打破漆桶便是徹頭處也若只是要資談柄道我博極羣書無不通達禪我也會教我也會又能檢點得前輩諸譯主講師不到處這我能裁解則三教聖人都可檢點亦不必更求人印可然後放行也如何如何

答張舍人狀元

安國

壁可以入道如今人纔聞此說便差排向頑  
然無知處硬自過捺要得心如牆壁去祖師  
所謂錯認何曾解方便者也巖頭云纔恁麼  
便不恁麼是句亦刻非句亦刻這箇便是外  
出十  
息諸緣內心無端底樣子也縱未得碎地折  
壞地破亦不被語言所轉矣見月休觀指歸  
家罷問程情識未破則心火熠熠地正當恁  
麼時但只以所疑底話頭提撕如僧問趙州  
狗子還有佛性也無州云無只管提撕舉覺  
左來也不是右來也不是又不得將心等悟

又不得向舉起處承當又不得作玄妙領略  
又不得作有無商量又不得作真無之無上  
度又不得坐在無事甲裏又不得向擊石火  
閃電光處會直得無所用心心無所之時莫  
怕落空這裏却是好處驀然老鼠入牛角便  
見倒斷也此事非難非易除是夙曾種得般  
若種智之深曾於無始曠大劫來承事真善  
知識熏習得正知正見在靈識中觸境遇緣  
於現行處築著磕著如在萬人叢裏認得自  
家父母相似當恁麼時不著問人自然求覓

底心不馳散矣雲門云不可說時即有不說時便無也不可商量時便有不商量時便無也又自提起云且道不商量時是箇甚麼又怕人不會又自云更是甚麼近年以來禪有多途或以一問一答末後多一句爲禪者或武十以古人入道因緣聚頭商榷云這裏是虛那裏是實這語玄那語妙或代或別爲禪者或要收殺大似埋頭向東走欲取西邊物轉求轉遠轉急轉遲比輩名爲可憐愍者教中謂之謗大般若斷佛慧命人千佛出世不通懺悔雖是善因返招惡果寧以此身碎如微塵終不以佛法當人情決要敵生死須是打破

息亦謂之默而常照爲禪者如此等輩不求妙悟以悟爲落在第二頭以悟爲誰誣人以悟爲建立自既不曾悟亦不信有悟底妙喜常謂衲子輩說世間工巧技藝若無悟處尚不得其妙況欲脫生死而只以口頭說靜便要收殺大似埋頭向東走欲取西邊物轉求轉遠轉急轉遲比輩名爲可憐愍者教中謂之謗大般若斷佛慧命人千佛出世不通懺悔雖是善因返招惡果寧以此身碎如微塵終不以佛法當人情決要敵生死須是打破

這漆桶始得切忌被邪師順摩持將冬瓜印子印定便謂我干了百當如此之輩如稻麻竹筆左右聰明有識見必不受這般惡毒然亦恐用心之切要求速效不覺不知遭他染汙故信筆葛藤如許被明眼人覲見一場敗闕千萬日聽只以趙州一箇無字日用應緣處提撕不要間斷古德有言研窮至理以悟爲則若說得天搖地動不悟總是癡在外邊走耳勉之不可勿心

答湯采相進之

丞相既存心比擬大事因緣缺滅界中虛妄不實或逆或順一一皆是發機時節但常令方寸虛豁豁地日用合做底事隨分撥遣觸境逢緣時時以話頭提撕莫求速效研窮至理以悟爲則然第一不得存心等悟若存心等悟則被所等之心障却道眼轉急轉遲矣但只提撕詰頭驕然向提撕處生死心絕則是歸家穩坐之處得到恁麼處了自然透得古人種種方便種種異解自不生矣教中所謂絕心生死伐心稠林浣心垢濁解心執著

於執著處使心動轉當動轉時亦無動轉底  
道理自然頭頭上明物物上顯日用應緣處  
或淨或穢或喜或怒或順或逆如珠走盤不  
撥而自轉矣得到這箇時節拈出呈似人不  
得如人飲水冷煙自知南陽忠國師有言說  
法有所得是爲野干鳴此事如青天白日一  
見便見真實自見得底邪師走作不得前日  
亦嘗面言此事無傳授纔說有奇特玄妙六  
耳不同謀之說即是相欺便好拽住旁面便  
喫書生做到宰相是世間法中最尊最貴者

若不向此事上了却即是虛來南閣浮提打  
一遭收因結果時帶得一身惡業去教中說  
作癡福是第三生冤何謂第三生冤第一生  
作癡福不見性第二生受癡福無慚愧不做  
好事一向作業第三生受癡福盡不做好事  
脫却殼漏牛時入地獄如箭射人身難得佛  
法難逢此身不向今生度更向何生度此身  
學此道須有決定志若無決定志則如聽聲  
卜者見人說東便隨人向東走說西便隨人  
向西走若有決定志則把得住作得主宰懶

融所謂設有一法過於涅槃吾說亦如夢幻  
況世間虛幻不實之法更有甚麼心情與之  
打交道也願公堅此志以得入手爲決定義  
則縱使大地有情盡作魔王欲來惱亂無有  
得其便處般若上無虛棄底工夫若存心在  
上面縱今生未了亦種得種子深臨命終時  
亦不被業識所牽墮諸惡趣換却殼漏子轉  
頭來亦昧我底不得察之

答樊提刑

茂實

示諭能行佛事而不解禪語能與不解無別

無同但知能行者即是禪語會禪語而不能  
行佛事如人在水底坐叫渴飯蘿裏坐叫飢  
何異當知禪語即佛事佛事即禪語能行能  
解在人不在法若更向箇裏覓同覓別則是  
空拳指上生實解根境法中虛捏怪如却行  
而求前轉急轉遙轉踈轉遠矣要得徑截心  
地豁如但將能與不能解與不解同與不同  
別與不別能如是思量如是卜度者掃向他  
方世界却向不可掃處看是有是無是同是  
別慕然心思意想絕當恁麼時自不著問人

矣

答聖泉珪和尚

既得外護者存心相照自可撥置人事頻與  
衲子輩作佛事久々殊勝更望室中與之  
子細不得容人情不得共伊落草直似之以

武十

十二

本分草料教伊自悟自得方是尊宿爲人體  
裁也若是見伊遲疑不薦便與之下註脚非  
但瞎却他眼亦乃失却自家本分手段不得  
人即是吾輩緣法只如此若得一箇半箇本  
分底亦不負平昔志願也

答鼓山遠長老

專使來收書并信香等知開法出世唱道於  
石門不忘所從來爲嶽長老拈香續揚岐宗  
派既已承當箇事須卓草地做教徹頭徹尾  
以平昔實證實悟底一著子端居丈室如擔  
百二十斤擔子從獨木橋上過腳蹉手跌則  
和自家性命不可保況復與人抽釘拔楔救  
濟他人耶古德云此事如八十翁翁入場屋  
豈是兒戲又古德云我若一向舉揚宗教法  
堂前草深一丈須倩人看院始得巖頭每云

向未局已前一覲便眼卓絕地晏國師不跨石門句睦州現成公案放你三十棒汾陽無業莫妄想魯祖凡見僧入門便轉身面壁而坐爲人時當不昧這般體裁方不失從上宗旨耳昔爲山謂仰山曰建法幢立宗旨於一

武十

十三

方五種緣備始得成就五種緣謂外護緣檀越緣衲子緣土地緣道緣闡霧臺趙公是汝請主致政司業鄭公送汝入院二公天下士以此觀之汝於五種緣稍備每有衲子自閻中來者無不稱歎法席之盛檀越歸向士大

夫外護住持無魔障衲子雲集可以趨色力未衰時頻與衲子激揚箇事垂手之際須著精彩不得莽鹵蓋近年以來有一種禪販之輩到處學得一堆一擔相似禪往往宗師造次放過遂至承虛接響遞相印授誤賺後人致使正宗淡薄單傳直指之風幾掃地矣不可不子細五祖師翁住白雲時嘗答靈源和尚書云今夏諸莊顆粒不收不以爲憂其可憂者一堂數百衲子一夏無一人透得箇狗子無佛性話恐佛法將滅耳汝看主法底宗

師用心又何曾以產錢多少山門大小為重  
輕米鹽細務為急切來汝既出頭承當箇善  
知識名字當一味以本分事接待方來所有  
庫司財穀分付知因識果知事分司列局令  
掌之時時提舉大綱安僧不必多日用齋粥  
常教後手有餘自然不費力衲子到室中下  
刃要緊不得拖泥帶水如雪峯空禪師頃在  
雲居雲門相聚老漢知渠不自欺是箇佛法  
中人故一味以本分鉗錐似之後來自在別  
處打發大法既明向所受過底鉗錐一時得

受用方知妙喜不以佛法當人情去年送得  
一冊語錄來這次顛沛不失臨濟宗旨今送  
在衆寮中與衲子輩看老漢因掇筆書其後  
特為發揚使本分衲子為將來說法之式若  
使老漢初為渠拖泥帶水說老婆禪眼開後  
武十  
定罵我無疑所以古人云我不重先師道德  
只重先師不為我說破若為我說破豈有今  
日便是這箇道理也趙州云若教老僧隨伊  
根機接人自有三乘十二分教接他了也老  
僧這裏只以本分事接人若接不得自是學

者根性遲鈍不干老僧事思之思之

大慧普覺禪師書卷第三十。

謝降賜大慧禪師語錄入藏奏劄

臣僧蘊聞昨於乾道七年三月中不懼天  
誅以先師大慧禪師臣宗杲語錄投進仍  
乞特旨送福州入藏伏准五月十九日聖  
旨已送福州東禪寺入藏訖者冒昧上陳

方虞罪戾恩光下逮俯賜矜俞梵釋重輝  
山澤增氣凡居聞見罔不歡欣恭惟皇帝  
陛下如天鑑觀得佛心法念微言之易泯  
參秘藏以並傳先師臣宗杲植百劫之勝  
因逢千載之嘉會么微有幸得叨預於殊  
榮焚誦何功冀仰酬於大造臣無任瞻天  
武十十五  
望聖激切屏營之至乾道八年正月日徑  
山能仁禪院住持慧日禪師臣蘊聞奏劄